



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **50-1105-18/25**

Sarajevo, 25.12.2025. godine

Int. br. nabavke: **50-59-20/25**

Na osnovu člana 70. stav 3. i 72. stav 3. Zakona o javnim nabavkama BiH ("Službeni glasnik BiH" broj: 39/14, 59/22 i 50/24) i Preporuke iz Zapisnika broj: 50-1105-17/25 od 19.12.2025. godine, uz primjenu **otvorenog postupka**, donosim

O D L U K U

o izboru drugorangiranog ponuđača za javnu nabavku usluga "Nabavka usluga održavanja službene Facebook stranice AVP Sava"
Obavještenje o nabavci br.: 1132-1-2-76-3-78/25

Član 1.

Kao drugorangirana ponuda sa Rang liste za javnu nabavku usluga **"Nabavka usluga održavanja službene Facebook stranice AVP Sava"** bira se ponuđač **INVESTU d.o.o. Sarajevo, ul. Dr. Fetaha Bećirbegovića broj 1B, registrovan kod Općinskog suda u Sarajevu, MBS: 65-01-0216-23, JIB: 4203152020000**, za ponuđenu cijenu **14.500,00 KM bez PDV-a**, odnosno **16.965,00 KM sa PDV-om**.

Član 2.

Ovom Odlukom stavlja se van snage Odluka o izboru najpovoljnijeg ponuđača za javnu nabavku usluga **"Nabavka usluga održavanja službene Facebook stranice AVP Sava"** broj: 50-1105-15/25 od 26.11.2025. godine.

Član 3.

Ponuđaču **INVESTU d.o.o. Sarajevo** će se dodjeliti prijedlog ugovora za javnu nabavku iz člana 1. ove Odluke nakon što svi ponuđači budu obaviješteni o izboru drugorangirane ponude.

Član 4.

Za izvršenje ove odluke zadužuje se **Sektor za ekonomske poslove** Agencije za vodno područje rijeke Save, Sarajevo.

Član 5.

Sredstva za zaključenje ovog ugovora će se koristiti iz Plana i Finansijskog plana Agencije za 2025. godinu, ekonomski kod 613913.

Član 6.

Odluka o izboru drugorangiranog ponuđača će se objaviti na web-stranici www.voda.ba, istovremeno s upućivanjem odluka ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 50-1105-3/25 od 18.08.2025. godine.

Javna nabavka je provedena putem otvorenog postupka.

Procijenjena vrijednost nabavke bez PDV-a je 24.000,00 KM.

Obavještenje o nabavci broj: 1132-1-2-76-3-78/25 je poslato na objavu i objavljeno na portalu javnih nabavki dana 08.10.2025. godine.

Sa web portala "e-Nabavke" www.ejn.gov.ba tendersku dokumentaciju su preuzeli sljedeći ponuđači:

1. STUDIO NOVA VIZIJA
2. OD. "ADAPTACIJE.BA"
3. BOSVISION D.O.O.
4. "TEHNOTIM" D.O.O. BANJA LUKA
5. REPRESENT COMMUNICATIONS D.O.O. SARAJEVO
6. VKB GROUP D.O.O. BANJA LUKA
7. INVESTU DOO
8. POSLOVNE NOVINE
9. ULTRA MEDIA
10. WELL BUSINESS PROMOTION
11. DIGITALNI OZON DOO
12. WOLF MEDIA D.O.O. SARAJEVO
13. SYSTEM ONE D.O.O. SARAJEVO
14. BBS EUROPE
15. EKAPIJA DOO
16. TENDERI DOO
17. "TERMO-BETON" D.O.O
18. S CONSALTING D.O.O MOSTAR
19. CSC DOO

Komisija za nabavku imenovana je Rješenjem broj: 50-1105-5/25 od 08.10.2025. godine.

Komisija za javnu nabavku je blagovremeno i pravilno izvršila otvaranje ponuda i ocjenu pristiglih ponuda, o čemu je sačinila zapisnik o otvaranju ponuda i zapisnik o pregledu i ocjeni ponuda, u kojima je utvrđeno sljedeće:

- Da je ukupan broj preuzimanja tenderske dokumentacije 19 (slovima: devetnaest)
- Da je ukupan broj pristiglih ponuda 4 (slovima: četiri)
- Da je ukupan broj blagovremeno zaprimljenih ponuda 4 (slovima: četiri)
- Da nema neblagovremeno zaprimljenih ponuda
- Da su ponude 4 (slovima: četiri) ponuđača prihvatljive
- Da nijedna ponuda nije ocijenjena kao neprihvatljiva.

Nakon provedene Zakonom propisane procedure, Agencija za vodno područje rijeke Save Sarajevo kao ugovorni organ je donijela Odluku o izboru najpovoljnijeg ponuđača broj: 50-1105-15/25 od 26.11.2025. godine, kojom je kao najpovoljniju ponudu u Otvorenom postupku nabavke usluga održavanja službene Facebook stranice AVP Sava ocijenila ponudu ponuđača **"Well business promotion" d.o.o. Sarajevo**, sa

ponuđenom ukupnom cijenom nabavke u iznosu od **14.000,00 KM bez PDV-a**, odnosno **16.380,00 KM sa PDV-om**.

U skladu sa tačkom 5.1.4. TD izabrani ponuđač je u roku od 5 dana od dana zaprimanja Odluke o izboru najpovoljnijeg ponuđača bio dužan dostaviti na protokol ugovornog organa dokumentaciju iz člana 45. stav 2. Zakona, kojim se dokazuje vjerodostojnost date izjave, odnosno ispunjenje uslova iz tačke 5.1.4. TD i to:

- Uvjerenje nadležnog suda (kumulativno Uvjerenje Suda BiH i Uvjerenje nadležnog suda prema sjedištu ponuđača) kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca.

Ako ponudu dostavlja fizičko lice kao poduzetnik, dužan je dostaviti uvjerenje koje glasi na ime vlasnika – poduzetnika.

- Uvjerenje nadležnog suda ili organa uprave kod kojeg je registriran ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti.

Ako ponudu dostavlja fizičko lice kao poduzetnik, dužan je dostaviti samo uvjerenje od nadležnog organa uprave da nije u postupku obustavljanja poslovne djelatnosti.

- Uvjerenje nadležnih institucija (entitetska Porezna uprava) kojim se potvrđuje da je ponuđač izmirio dospjele obaveze, a koje se odnose na doprinose za penziono i invalidsko osiguranje i zdravstveno osiguranje.

Ako ponudu dostavlja fizičko lice kao poduzetnik, dužan je dostaviti potvrdu nadležne poreske uprave da izmiruje doprinose za penziono-invalidsko osiguranje i zdravstveno osiguranje za sebe i zaposlene (ukoliko ima zaposlenih u radnom odnosu).

- Uvjerenje nadležnih institucija (Uprava za indirektno oporezivanje BiH i entitetska Porezna uprava) da je ponuđač izmirio dospjele obaveze u vezi sa plaćanjem direktnih i indirektnih poreza.

Dokumenti ili uvjerenja navedena u tački 5.1.4. TD nisu mogla biti starija od 3 (tri) mjeseca računajući od dana dostavljanja ponude.

Traženi dokumenti su trebali biti dostavljeni kao originali ili kopije ovjerene od strane nadležnog organa (organ uprave – općina, sud ili notar).

Dokumenti navedeni u tački 5.1.4. TD su trebali biti zaprimljeni kod ugovornog organa u roku od 5 dana od dana prijema Odluke o izboru najpovoljnijeg ponuđača, najkasnije do 15:30 sati, te za ugovorni organ nije bilo relevantno na koji su način dostavljeni (lično, poštom itd).

Krajnji rok za dostavu tražene dokumentacije po članu 45. Zakona o javnim nabavkama BiH zahtjevanom tačkom 5.1.4. TD bio je 09.12.2025. godine, obzirom da je Odluka o izboru najpovoljnijeg ponuđača zajedno sa Obavještenjem o rezultatu postupka javne nabavke i Zapisnikom o pregledu i ocjeni ponuda svim ponuđačima koji su učestvovali u postupku dostavljena dana 04.12.2025. godine.

U ostavljenom roku izabrani ponuđač "Well business promotion" d.o.o. Sarajevo je propustio da dostavi dokumentaciju traženu po članu 45. stav 2. Zakona, kojom se dokazuje vjerodostojnost date izjave u sklopu Ponude broj: 253W29 od 29.10.2025. godine.

Dokumentacija tražena po članu 45. stav 2. Zakona je od strane ponuđača "Well business promotion" d.o.o. Sarajevo dostavljena na protokol ugovornog organa dana **11.12.2025. godine**, te je ista od strane Komisije za javne nabavke ocijenjena kao neblagovremena.

Komisija za javne nabavke Agencije za vodno područje rijeke Save Sarajevo je Zapisnikom o pregledu i ocjeni ponuda broj: 50-1105-14/25 od 26.11.2025. godine utvrdila Rang listu u Otvorenom postupku nabavke usluga održavanja službene Facebook stranice AVP Sava kako slijedi:

R. broj	PONUĐAČ	Cijena nakon provedene e-aukcije KM (bez PDV-a)
1	WELL BUSINESS PROMOTION d.o.o. Sarajevo	14.000,00
2	INVESTU d.o.o. Sarajevo	14.500,00
3	REPRESENT COMMUNICATIONS d.o.o. Sarajevo	18.900,00
4	WOLF MEDIA d.o.o. Sarajevo	23.980,00

Iz navedenih razloga, a primjenom člana 72. stav 3. pod a) Zakona o javnim nabavkama ("Službeni glasnik BiH", broj 39/14, 59/22 i 50/24) koji propisuje da "ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti originale ili ovjerene kopije dokumentacije iz člana 45. i 47. ovog Zakona, ne starije od tri mjeseca od dana dostavljanja ponude ili zahtjeva za učešće, u roku koji odredi ugovorni organ" je jednoglasno dala preporuku Direktoratu da se donese Odluka o izboru drugorangiranog ponuđača i da se ugovor za pružanje usluge održavanja službene Facebook stranice AVP Sava dodijeli ponuđaču **"Investu" d.o.o. Sarajevo**, kao drugorangiranom na Rang listi, sa ponuđenom ukupnom cijenom nabavke u iznosu u iznosu od **14.500,00 KM bez PDV-a**, odnosno **16.965,00 KM sa PDV-om**.

U postupku ocjene provedenog postupka, nisu nađeni razlozi, nepravilnosti niti propusti u radu, koji bi eventualno bili osnov za neprihvatanje preporuke Komisije za javnu nabavku.

Ocijenjeno je da je Komisija u svemu pravilno postupila te da je izbor drugorangiranog ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Na osnovu navedenog odlučeno je kao u dispozitivu.

PRAVNA POUKA:

Učesnik u postupku, koji nije zadovoljan ovom odlukom, može u roku od 10 (deset) dana od dana prijema ove odluke izjaviti žalbu zbog povrede odredaba Zakona o javnim nabavkama.

Žalba se podnosi u najmanje 3 primjerka Agenciji za vodno područje rijeke Save, Sarajevo.

Žalba se podnosi Uredu za razmatranje žalbi BiH putem ugovornog organa.

Žalilac je obavezan platiti naknadu za pokretanje žalbenog postupka u iznosu od 750,00 KM (član 108. stav (1) tačka a) Zakona o javnim nabavkama).

- Akt izradio: Mirza Čutić

- Akt kontrolisao: _____

Dostaviti:

- Ponuđačima
- Sektor za pravne poslove
- Sektor za ekonomske poslove
- a/a



DIREKTOR

dr. sc. Senad Memić